

22.03.2013.



Upravni odbor Udruženja poslodavaca BPK Goražde održao je 21.03.2013.godine svoju redovnu 28.sjednicu na kojoj se našlo 8 tačaka dnevnog reda.

Nakon usvajanja zapisnika sa 27.sjednice i finansijskog izvještaja Upravni odbor je utvrdio termin održavanja VII redovne Skupštine Udruženja poslodavaca. Skupština će se održati 28.03.2013.godine u 13,00 sati u Sali Ministarstva za privredu BPK Goražde.

Utvrđeni su prijedlozi Izvještaj o radu Udruženja poslodavaca za 2012.godinu, Programa rada

za 2013.godinu i Finansijskog plana za 2013.godinu.

Razmatran je takođe i Program rada Ministarstva za privredu za 2013.godinu. Zaključeno je da se trebaju ifiltrirati određene strukture u provedbu ciljeva zacrtanih u Programu, kao i veća saradnja sa Ministarstvom za privredu, održavanje redovnih sastanaka sa članovima Udruženja poslodavaca.

Donesena je i Odluka o pokretanju procedure „Analiza opterećenja privrede na području BPK Goražde“ koja će biti polazna osnova za rasterećenje privrede, jer je naglašeno na sastanku da je privreda previše opterećena raznim fiskalnim i parafiskalnim nametima.

Na kraju sastanka Upravni odbor je primio k znanju informaciju o projektu „Napredna edukacija poslodavaca“, o ugovoru koji je potpisan sa Federalnim ministarstvom razvoja, poduzetništva i obrta i da će se po dobijanju sredstava otpočeti sa realizacijom projekta.

Tehnički sekretar: Adnan Bukva